

中國方志叢書·華中地方·第二八五號

據清·林葆元修，申正颺纂
同治七年刊本影印

湖南省

石門縣志

(一)

成文出版社有限公司印行

中國方志叢書·華中地方·第二八五號

據

清 · 林葆元修 · 申正颺纂
同治七年刊本

影印

湖南省

石門縣志

(二)

成文出版社有限公司印行




10097092

中國方志叢書·華中地方·第二八五號

據清·林葆元修，申正鶴纂
同治七年刊本影印

湖南省石門縣志



成文出版社有限公司印行



10097093

中國方志叢書·華中地方·第二八五號


據清·林葆元修，申正颺纂
同治七年刊本

影印

湖南省

石門縣志

(四)



成文出版社有限公司印行



10097094

中華民國六十四年 月臺一版

石門縣志 全四冊

發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

敘

志者記也記其山川之廣狹疆域之沿革戶口之增損賦役之重輕官師之賢否人物之顯晦孝義貞節之心行偪羈飾藝之軌躅因以詳其源委省悉其精沃考鏡真已事鑑辨其由來使天下爲士大夫者讀之足以興爲郡邑長者讀之足以勸而已余承乏茲土適奉

憲檄飭修巨乘因設局延納輒輯施以續相

商見其鉤稽曩哲慨廓舊聞正訛秩紊闡微補
漏發凡起例綱舉目張凡七十餘門較前志汰
者十之一二增者十之五六粲然成帙夫邑之
有志唯唐李吉甫元和郡縣志爲最古宋元明
若范成大吳郡志袁桷延祐四明志王鑒姑蘇
志外可見者僅數十家迨

國朝雍正七年奉


旨諭各直省纂修通志府州縣皆行采輯山陬海澨

道一風同稱極盛焉石志以嘉慶二十三年續修迄今又五十餘年天運遞嬗人事錯綜文物聲名蒸蒸日上紀載弗亟湮淪滋懼鄭夾深序通志一曰記有記今之所有不可不聚二曰記無記今之所無不可不求良有以也然練都一紀鍊京十年班孟堅爲史且二十載今乃以十閱月釐定斯編於乎難矣而卽是以攷山川可得夷險之程以稽田賦可知稼穡之艱覽職官

悟循良觀感之由閱人物見滋培發榮之本揭
潛德幽光彰輝之準則可立溯奇蹤靈異出入
之閑檢必嚴斯不亦可以爲志歟若夫因天文
以責人事審物宜以裕財用立學申教辨土興
養秀賢否之胥導風霆雨露之偕施樹聲教
於百里上安平爲一書則守土者之責而非載
筆之事矣

嘗

同治七年仲冬月石門縣知縣大興林葆元樹香
氏謹撰



敍

志所以記事有其地即有其事山川風土人情
於通都大邑繁簡雖殊紀載則一石門縣志創
始明天順間

國朝亦屢經踵輯同治六年奉

文飭修蓋懼日久脫漏無所考徵事繁要矣余
蒞任之初已經前任林君樹香稟請設局辦有
頭緒付剞劂氏固於此事靡所裨益但躬際其

會遂樂觀厥成案牘餘暇藉資披尋不至而悉其境不行而識其途遠近險夷肥瘠荒墾今古同異舉按冊可稽斯亦牧民者之一助也爰綴數語於簡端俾後之來者可以觀云

時

同治八年仲夏月署石門縣知縣湄潭陳煊春

皆氏謹撰

敘

立言居不朽之三然非益心性關世道之言不得爲不朽也若夫上攷天文下詳地理士習民風古制時政以達一名一物言之足資考鏡則莫如郡邑之志按志之大原起於爾雅司馬遷曰書班固曰志蔡邕曰意華嶠曰典張勃曰錄何法盛曰說餘史並承班固謂之志此志所由昉也顧自史牒肇興紛紛攻訐譏彈叢疊子長

之史猶且詆其博雅不足蹊蹠於七八種書俚語間出非所謂作或又謂班固敘三百年事乃八十萬言司馬遷敘三千年事唯五十萬言煩省懸殊固不如遷或又謂史官多文詠之士好采詭僻碎事以廣異聞評論競爲綺豔不務篤實求所爲李氏三志最可觀採者蓋綦難焉石志創始明之中葉兵燹無存

國朝康熙間張許兩縣尹前後掇輯簡編仍屬寥

寥嘉慶二十三年邑紳梅桐陽先生手纂始成
卷帙閱今又五十餘年茲奉

上憲檄修余適司鐸於此幸際

作人之代文教昌明德澤之涵濡庠序之甄陶蔚爲
英俊蒸爲節義釀爲風俗發爲文章通籍膺擢
者行臻踵接安可不亟圖臚列以備輶軒之采
哉况乎數十年中時序本天人事本時星移物
換日新月盛尤當網羅散軼兼綜條貫程式往

古楷模將來卽不與古之爲史者較長絜短而
一經一緯燦然畢具以輩靈壽志蕭山志刊誤
可矣又笑容以襄議計歟是書之成擬定規模
作爲敘說則明經申旭亭也疏註物產爬搜忽
微則副車張鹿泉也總其釐訂刪削潤色則學
博袁予文也余亦以文字因緣挂名簡未焉

時

同治七年仲冬月石門縣教諭楊昌健謹撰